

la qual va sier Donado Marzelo, va luogotenente in Cypri, dolendosi il dito Bernardo di Marconi non si spaza, et feno gran clamori contra di lui; el qual Marconi vene in Colegio, fo admonito a expedirsi, et *omnino* questa setimana partir si debbi.

201\* *Di campo, di le Brentelle, dil provedador zeneral, di eri sera.* Zercha pagamenti fatti quel zorno a fantarie fino al tardi presente il capitano zeneral; et i nimici par certo habino mandato l'artelarie a Verona, et si dieno levar per Verona, et il vicerè va prima. *Item*, verifica la presa di cavali, sicome scrisse eri sera, et fu fata quella verso il Polesene per Zuan di Naldo, et ozi sarano ditti presoni li in campo.

Fo scritto, per Colegio, al dito provedador, dicesse al signor capitano che lo dovesse far apichar quel ... Pisato da Montagnana, per esser stà gran rebello di la Signoria nostra.

*Di do procuratori nostri, nominati di sopra, fo letere, di eri sera.* Come erano stati a le Brentelle in campo et parlato col capitano zeneral in materia di fanti, et sopra questo scriveno longamente. E inteso haveano portato ducati 5000, licet 2000 ducati doveano dar al capitano di le fantarie, *tamen* lui capitano zeneral li volseno tutti per pagar li fanti dil campo; e cussi li conveneno dar. Et inteso questo dal capitano di le fantarie, l'ave molto a mal et usò alcune parole; per tanto suplicha la Signoria li mandino *immediate* dicti ducati 2000. Et scriveno *etiam* colloqui auti con dito capitano, qual vol far la sua monstra. *Item*, el signor Thodoro Triulzi parlava questa matina per venir incognito a parlar con la Signoria nostra, et arivarà da lo episcopo di Aste suo parente.

Fo terminato mandar subito questi ducati 2000 a Padoa.

Da poi disnar, fo Consejo di X con la zonta, et fu preso di concieder a li hebrei, tenivano strazaria, potesseno tenerla come *alias* li fu concesso in questa terra, con questo, prestino ducati 5000 da esserli restituidi dil 1518 e datoli partida di banco. Contradise molto sier Luca Trun eao di X, che fo quello taiò una termination di la Signoria, che potevano tenir strazaria; e poi disputato la cossa, fu presa.

Fu posto dar il capitanià di Carpasso, per do rezimenti, a sier Domenego Calbo qu. sier Marin, qual dona a la Signoria ducati 200; et non fu presa.

*Di campo, fo letere dil provedador.* Nulla da conto; *solum* dil zonzer Zuan di Naldo con li presoni in campo, e di pagamenti fati.

202 Fu tratato di aver ducati 1000 in prestedo da

uno fiol natural qu. sier Andrea Contarini, *Gramolato* per aver biastemado.

*Da Piasenza, fo letere dil conte Paris Scoto, di 25*, che avisa come ha mandato parte de la sua compagnia et manderà il resto, nè stinna editi li sia fato contra. *Item*, a Milan è gran combustion, et vene una voce si serase le botege e tutti metersi in arme, ma poi il rumor si aquietò. E reduti, milanesi feno alcuni oratori al Ducha, ch'era reduto in Castello con sguizari, dicendo non aver tolto arme per non esser fedeli a la caja Sforzesca, ma dubitando sguizari non li volesse sachizar haver fato questo moto, et non poteano pagar il taion di ducati 300 milia; hor che fariano quello i potrano; e cussi fo lassato. *Item*, par che Pavia fazino 1000 fanti per aiuto dil Ducha contra Franza, e cussi farà le altre terre.

Fo replicato a Padoa *omnino* fusse apichato quel rebello preso, perchè par, Zuan di Naldo, che l'ha preso, voy la so' taia.

*A di 28, la matina, per tempo, fo letere di Padoa, di procuratori nostri.* Come di ducati 2000 auti, deteno ducati 700 al capitano di le fantarie, perchè cussi mandò a dimandar, e dil resto fatoli a saper erano preparati per lui; el qual vol far la monstra *omnino* di le sue zente. *Item*, zerca 40 cavali di spagnoli quel zorno, ch'è eri, corseno appresso Tencharuolo, vicino a Padua, et fato pur danno di animali, *ut in litteris*.

*Di campo, di le Brentelle, dil provedador.* Zercha pagamenti e danari bisogna per far fanti, sicome li ha dito il capitano zeneral; i nimici, *ut supra*, in Vicenza.

*Di Udene, di sier Leonardo Emo luogotenente, di 26.* Come ha uno aviso, quelli villani reduti in uno . . . . , par si andavano disolvando, et *tamen* prima era aviso erano apropinquati in la Patria verso la Chiusa.

*Di Roma, di l'orator nostro, di 22 fin 25;* il sumario è questo. Come non li à valso mai poter haver licentia dal Papa di lassar trar li fanti fati per Zuan Corado Orsini, *tamen* lui verà e li trarà ad ogni modo, ancora ch'el Papa non voglia. *Item*, che il Papa à mandato ducati 6000 al ducha di Urbin, dà fama per far le cento lanze; *tamen* è per il servido vechio, che dia aver dal Papa molto più summa di questi. Scrive colloqui auti col cardinal San Severin, che il Papa dice farà 1100 lanze et 400 florentini; *tamen* non sarà vero, perchè Marco Antonio Colona vol titolo s'il dia cavalcar. Mutio Colona e Troylo Savello *etiam* dimandano alcune cosse